

Populāra, ijustreita latgališu strōdnīku un zemdaru avīza

TAISNEIBA

Vyssavīneibas Kompartijas CK un Sibīrijas Apgob. K-ta izdevums.

REDAKCIJA un KANTORS:

gor. Novo-Sibirsk,
Sibīrijkom VKP(b), re-
dakc. gaz. „Тайснейба“

Redaktora adress:

Мостовая ул., 12.

AVIŽAS MOKSA:

par 12 mēn. — 1 r. 50 k.

. 6 . — 85 .

. 3 . — 45 .

. 1 . — 15 .

uz ūzjam'om: par godu 5 rub., aba 2¼ dol.

Цена на объявления: строка непарели 40 к.
впереди текста 80 к.

1927. g. Pirmajs goda gōjums Sibīri.

№ 3 (21).

Trešdīņ, 19. janvārī.

Trejs godi bez Lenina, bet dorba ļauds jo aizdavumus izvad dzeivī

Lenins — pirmais elektrofikators

Jau dreizi p'ac revolūcijas, pošus pirmūs gryūtūs pilsoņu vaidu laikūs b. Leninam dzyma pōrdruša dūma—par Krivijas elektrofikaciju.

Nabadzeigai, izpusteitai valstai tyka uzlykts dyžan lels aizdavums—par 10—15 godim dažaidūs rajonūs sabudavot 32 elektryskos stancijas vairak symtu tyukstušu zyrgu spēka.

Lenins sačaja, ka „elektrofikacijai jobyut myusu partijas utrai programai...“ „Jej myusim vajadzeiga kai plašs saimsteibas plans, kās parodeitu, kaidam vajag byut saimnicyskam pamatam deļ komunizma.“


Itu Dūmu jis eiši izsac'aja vōrdus: „Komunizms ir: padum'ū vara un klōt elektrifikacija.“

Tagad jau m'as asom oculicīniki nutykumam, ka Lenina dūmas teik izvastas dzeivī. Jau strōdoj dyžano elektrostancija uz Volhovas up'as natol nu Leningrada, jej ir nusaukta Lenina vōrdā. Jau Leningrada zavodi un fabrikas daboj elektroenerģiju nu itos stancijas. V'al ir pazemots taišat elektrostanciju uz Dnestras up'as (Uk-

rainī) kura byus vīna nu vyslelokom elektrostancijom vysā pasaulī. Un daudz jau ir mozoku stanciju, un daudzi jau solu, kuras pavoda vokorus pi „Lenina lampenas“.

Nav tōli tej dina, kod elektreiba kolpos na tik pilsātu ryupniceibai, bet vad'as traktoros, kustynos kulmašinas un t. t., ari solōs, pamozynos dorba ļaužu prācu.

„VOLHOVSTROJS“



Jau nuzcalto elektrysko stancija uz Volhovas up'as natoli nu Leningrada, kura nusaukta b. LENINA vōrdā. Jej dud elektreibu deļ Leningrada fabrikom.

Kooperacija — celš uz socializmu

Sarazotos mašinas fabrikōs un zavodūs guļ vysas vīna vītā — valsts nulyktovī. Bet zemdara sarazoti produkti pi kotra atseviška saiminika.

Lenins moc'aja, ka navajag zemdaru, spīst strōdot komunōs, kupeigi. Bet gon vajadzeigs pa pirmam, organizat tai, lai zemdars sovs produktus pōrdutu na tergotojam-spekulantam, bet gon koope-

racijai un caur kooperaciju dabotu lauksaimsteibai vajadzeigus produktus.

Bet na tikvin kai kupeiga produktu sadaleišona (tai saucamo pataratoju kooperacija) ir nu svara. V'al leloku nuzeimi tur kooperacija, kai kupeiga ražošona, saimnikošona (tai saucamo ražošonas — proizvodstvenno — kooperacija); pīm.: mašinu bidreibas, lup-

kupeibas bidreibas, meliorācijas, kupeigas žam'as apstrōdošonas bidreibas, sviksta arteli u. t. t. Ji ļaun zemdaram pac'alt sovu saimsteibu uz augsta pakopiņa.

Itos saimsteibas formas jau ir pirmi socializma osni myusu solōs.

Un ju dreizok plauks myusu ryupniceiba, jo dreizok myusu solōs zirdeņš tiks pōrmeits ar „dzelža zyrgu“ — traktoru, kuru vad'as elektreibas spēks — m'as darsnagsim socializmu, t. ir, breivu, viglu, gudru dorba ļaužu dzeivi.

Tamdel dorba ļaužu aizdavums izpild'at Lenina nusačejumus, grīst vairak vereibas kooperācijas dorbam.

Strōdniks ir zemdara sabidrotajs

Ceški zemdari runoj: par ku vysod pirmu pimin strōdniku un tod myusus, m'as taipōš par revolūciju asni ļajam?

Lenins moc'aja, ka strōdniku škira var uzvařat apspidejus tikvin ejut kupā ar dorba zemdarim, bet strōdniceiba nuzastos revolūcijas prišķgolā.

Ji byus prišķgolā par tu, ka ji nav saisteiti ar sovu atsevišku saimsteibu. Vyss jus monts ir tulznos rukas. Strōdodami pulkā, ji ir organizeiti, disciplineiti. Bet zemdari izkaiseiti pa vinam, pistyp-

rynoti pi sovom atseviškom saimsteibom, vōji organizeiti un todeļ navar veikšanos dav'ast da gola, it ceigas prišķgolā, ji var byut tikvin paleidzatoji — sabidroti (sojuzniki).

Na vysī zemdari ir strōdniku škiras sabidroti Bogotus zemdaru interesi ir preteji nabadzeigokus zemdaru interesim, kurus ji taipat syuc, kai muižiniks syuc'a. Strōdniku sabidroti ir tikvin vydeji (sredņaki) un bedeigi zemniki.

Jostyprnoj vineiba storp nabadzeigim un videjim zemdarim; jo tok zemdarim vaidzeigi jus ražoti tavari—reiki, a strōdnikim—maiza.

Izgleiteiba—paleidžas atviglynot myusu dzeivi

Lenins v'al sac'aja, ka lai m'as varatu dreizok sasņagt izlobošonas savas saimsteibas, padarāt myusu, Padumu Savineibu par „mašinu valsti“ — vajadzeiga izgleiteiba un v'al ļaizi izgleiteiba. Myusim vajag v'al timsōs zemdaru golvos ikal tu saprasšonu, ka izgleiteiba ir vineigajs celš, kurs roda kai vajag darāt lai sasņagtu sovu labklojeibu,—ceški v'al zemdari to nasaprut.

Keneņa valdeiba myusim atstoja miljonus namoceitu cylvaku, Padum'ū valdeiba dora vysu lai aizdzeitu tymseibu-namokuleibu, tod

atsav'ars deļ myusim plots skots uz nokutni. Pateicutis izgleiteibai m'as zynosim, kai kas ir jodora, kai viglok strōdot, lai vairak ražot un mozok pracavotis.

Tikvin ejut pa Lenina padim var sasņagt loboku dzeivi!

Ar b. Lenina nōv'as dina sakreit ari 9 janvars 1905 g.—tys ir dorba ļaužu nov'as dinu, kuri beja sazacaluši pret caru — apspīšonu un apsaudeiti pa valdeibas reikojumam.

Myusu aizdavums ir izv'ast dorbūs tu, ko grybeja sazacaluši un nunōveiti myusu tavi, moņas, brōli — mosas 1905 g.

Tauteību pašnoteikšanos (samoopredelenie) ir jus politisko naatkareiba (pilneiga politisko pašstoveiba)

Lenins

PĀR NEDELI

Respubliku Savineibā

Vajadzeiga paleidzeiba

citušim nu streika Anglijas kolnračin. Stovuklis jus brismeigs, paleidzeiba bezdorbim nateik snagta.

Myusu Profsojuzu Golvono Padum'a ir nuspridusa porsyufat del paleiga kolnračim 10,000 mörceņu sterlingu (myusu nauda 1 mörc. sterlingu ap 10 rubļu).

5 miljoni rubļu

Vyssavineibas Saimesteibas Padum'a (VSNH) atļaiž Sibīrai del ryupniceibas paceļšonas.

Pa Sibīras pilsātom un solom

dyžan dzeivi tak vasti priškdoorbi del padum'u porveleišonom. Valatoji ciši aktlvi apspriž ziņojumus par sovu padum'u darbeibu. dud daudz aizrodejumu un prišklykumu.

Ūrzam'os

Pulijai nav maizas

Padeja laikā Pulijā aug bezdorbis un dzeiv'as dōrdzeiba. Jo Pulijai vajadzās māizi tv'ašt nu cytom molom, tod valsts saimesteibas stōvuklis byus ciši slykts.

30 uz nōvi


LEITOVĀ. Našān atpakaļ Leitovas valdeiba nusov'a 4 revolucionarus, tad uz novi ir pažeimoti otkon 30 cylvāku.

Kotram gudeigam cylvākam joprotestej pret itom nadzerdatom zvreibom.

Amerika paleidz kontrrevolucionerim

Lai paveiktu revolucionaru Kantona un Zimeļu Revolucioneru armiju, Amerika syta sovu kara spēku paleigā Kitaja kontrrevolucionerim.

Jaunos fabrikas



Ivanovo-Vozņesenska teik nubeigta jauna vērpjama fabrika ar 127 tyukstušu vērpjamim ratinim. Fabrika teik lyktas dorba jaunas mašinas, kuras igodotas Anglijā un Vōcijā.

Ziņas nu sorkonos armijas

Dorbs Sorkonā armijā

M'as dzeivojam jau vairs kai gods sorkonā armijā. Soroģojam, kab myusu inaidniki, buržuji napa-zasteigtu uz myusu neivom ašna lit, uz myusu Padum'u valdeibas ar kaušonūs un namaiseitu mums taišat sovu socialystysku valdeibu.

M'as atgōjuši uz nailga laikā sorkonā armijā nagaisynojom laikā: iza, uicom labi kara dorbu, kuro pavaicos un myusu tys gryutajs laiks, kurs varbut v'a] priškā.

Tagad m'as varim nuteikti pascat, ka m'as stypro i gotovi atsist buržujus šav kurā stundī.

Sorkonarmists Ceiruls.

Ku runoj karaveiri Pulijas, Rumynijas Estonijas i cyti.

Daudzi ir karaveiru Tomskā, kuri pōrbaguši granicu nu itom žam'om. Ji stosta, ka ciš gryuši ir diņat buržuaznijā armijā.

Slykši baroj, styngra disciplina, nadud ni runot ni žalotis...

I strōdnikim i zemnikim taipat ir slykši dzeivot. Strōdniki strōdoj daudzi stunžu, a peļņa moza.

Nu zemniku pleš lelus nūdokus. Runoj, ka vysi zemniki i strōdniki nav apmirynoti ar jus — buržuju paradim.

Nailgu laikā ji tai patužas bed-nus lauteņus, vysi staravojas taišat sovetSKU valdeibu.

21 art. polk.

T—ir.

Latgališu dzeiv'a un --

Vysi uz solu Padum'u pōrveleišonom!

Losit siviņas padum'os

Pošlaik Sibīrī nuteik Padum'u pōrveleišona. Del ito vajag labi sagatavot siviņas, (pagojušu raiži as raksteju del ko tys ir vajadzeigs).

M'as zynom, ka siviņas, izvalatas padum'os sova dorba labi nazyna, bet nivins meisters uz akmiņa naaug, vysi izavuica kod navin lubnu dorbu.

Vysupyrmais dorbs siviņom, izvalatom solu padum'os— vajag izpeřat (izučiņ) dzeivi sovas solas, klausātis, ku runoj bēdeigi zemniki, atraišas un bōriņi. Un vajag zynot ari, ku šveikst bogotniki, ļaundari un samagonščiki pa tym-sim kōktim.

Saprutams, ka siviņom, kuras teik izvalatas padum'os, vajag v'ast dorbu del paleiga siviņu dzeiv'as: organizat laukumeņus (ploščadkas) del bārnim vosoras laikā, kai tys ir daudzōs krivu solōs, kur dzeivokas, gudrokas siviņas.

Itymā dorbā iels paleigs byus siviņom avīža „Taisneiba“. „Taisneibai“ var snāgt vaicojumus par vysom dorba pušom, jej dabos at-

bild'as atteiceigōs istod'os un paziņos jos caur avizi.

Petroļa Gorvacan.

Ryupniceiba atsateistos



Verhņe Izetas metalfabrika Uralus našān laista dorba jauna domeņu krōšņas.

Zynotniskos istod'as pigriž vereibu latgališu vaicojumam

Ir jau tics aizrodeits, ka Vyssavineibas zineibu Akademija pigrižuša vereibu latgališim, paveleidama ļaužu skaitetojim latgališus skaitat atseviški, kai pastōveigu tauteibu.

Tagad pi Leningrada Valsts Universiteta Vokoru un Reitu (Ritumu un Austrumu) Voludu un Literaturu Pēteišonas Institutā nudybnojušas Vokoru (Ritumu) Tauteibu Komisija, kuras aizdavums: izpēřat Savineibā dzeivojušu Vokoru tautu nacionalus mozokumu (moldovanu, latgališu, albaņu, greku u. c.) dzeiv'as apstōklus, voludu, literaturu un tai toļok.

Prišksādatojs komisijas ir pats Instituta direktors profesors N. D'eržavins. Bez jo komisija, kai jos lucekli (členi), iit taidi pazeistami zineibu veiri, kai profesors Šišmarevs, prof. V. Struve, prof. Žirmunskis un cyti. As ari asu izlaseits (ivalats) par itos komisijas lucekli: latgališu litōs.

Komisija cerej dabot kaidus navin leidzekļus sova dorba vesšonai: sareikot kaidas navin ekspedicijas zynomus mozokumu tauteibu pēteišonas nulyukā (pīm. uz Tomskas un vyspōri Sibīras latgališu kolonijom) u. c.

Tai kai myusu Instituts ir kai padumdevejs (— aba konsultants) Vyssavineibas Tautu Centralnai Izdevneiceibai (Centrizdatam), tod ar jo paleidzeibu byutu viglok nukōrtot ari svareigokus grōmotu izdušonu latgališu voludā u. t. t.

Avizē beja, ka pi Vokoru Tautu Universiteta organizēta komisija, kuras aizdavums — izdybnot ari latgališu koloniju vēsturi. Kai latgališu priškstōvs komisija asut b. A. Vucans.

Byutu ciši vajadzeigs, ka b. A. Vucans informēitu mani par jo planim (kaidas ekspedicijas vajadzeigs vyspyrms, kaidi darbiniki ir jo reiceiba; kaidus aizdavumus komisija gryb veikt vyspyrms u. t. t.).

Darbeibu saskaņojut (koordinējut), m'as dabotu vairok leidzekļu un varatu sovus aizdavumus lobok veikt.

Tys vajadzeigs vysi dreizumā, top'ac, ka maņ jau tyvokā laikā byus joisnadz darbeibas plans un byutu lobok, ka tos vyses vaju-dzeigos litas byutu paradzatas.

J. Loja.

Adress: Ленинград, ул. Герцена, 39, „Астория“, комн. 415, Я Лоя.

PAROKSTA MOKSA VYSIM VINIADA:

„TAISNEIBA“

V. K. P. C. K. Latsekcijs ir jau davuša oficiālu reikojumu vysom latsekcijom, staravotīs par tu, lai pī vyspōrejos ļaužu skaiteišonas šō goda decembra mēnesī, latgališi tyktu atsevišķi izskaiteiti, najaucūt kūpā jus ar latviššim, bet gon, kai atsevišķa tauteiba... Beja paziņots par tu ari Centralai Statistyskai Pōrvald'ai.

Dumots ari izdarāt partijas bīdru — latgališu saskaiteišonu vysā Respubliku Savineibā, lai ar nōkušū godu bytu iespējoms apgodot dažas provinciju latsekcijas ar darbinikim latgališim.

Latsekcijs saturas vyscīšokus sakarus (saišķni) ar avizi „Taisneība“. V. K. P. C. K. Latsekcijas sekretars: E. Eizenšmidts-Mākonis.

-- dorbs Padum'ū Šavineibā

Ļaužu skaiteišona

M'as naasom puli

(Krasnojarska, Bugač I un II).

Nu 17—24 dec. pag. g. pi mums tyka izvasta ļaužu skaiteišona. Nivins nu latgališim, kai tys beja 1920 goda skaiteišonā, sevi nautd'av'a par pulim.

Vitejajs.

Vysi uzad'av'am par latgališim

(Ust'-Borodovkas cims, Taigas rajona, Tomskas apv.).

Pi Vyssavineibas ļaužu skaiteišonas, kura beja pi myusu 37 decembrī, nyusu cīma īdzeivotoji vysi izarakstaja par latgališim.

Vina daļa nu Sibiri dzymušim jauneklīm jau gondreiz ka ir pōr-

zakrivojuši, mōk tik runot latgalyski, a skaitat un rakstat slykši mōk, bet ari ti vysi uzad'av'a par eistim dzymtim latgališim.

Latgalits.

RYUP'ASIM'AS PAR SOVU LŪPU VESELEIBU

(Padūmi lūpu orstniceibā)

Kaidas ir ōrejos slimeibas

Koss (česotka). Pi itos lygas — pirmō zōļa—teireiba. Koss pats napōrit, jis joōrstej. Lūps slyms ar kosu jōmozgoj ar sārnu (palnu yudini), zaļom zip'om. Var mozgot ar sōls yudini. Tys jotaisa tai: vinā spainī na pōrok korsia yudiņa īb'art 1—1½ mōrceņas sōļa un pilikt 1 grammu sublimata.

Ar itu yudini vajag mozgot kosainū zyrgu voi guvi. Lai ōda naspōgotu, p'ačok jomozoj ar vazalinu. Vyslobok ir gristīs pi veterinarō punkta, ti zyrgus dreizi lečej ar sāra gazu. Gryušok ir lečat (ōrstat) nu kosa gūvs, cyukas un putnus. Gūvs nu kosa navar ōrstat ar zōļom, kurom klōt ir sublimats. Gūvu kosu var mozgot ar tabakas nūvōrejumu, kuram klōt 1/10 daļa nu nūvōrejuma daudzuma kreozota. Mozgot 1 rāizi dīnā.

Jo vuškom ir koss, tod jōs jōnucārp un jōlīk vannā, kura sa-

stōv nu 4 procenti tabaka nūvōrejuma, 10 procenti karbolglicerina, voi ari jomozoj ar 1—2 procenti kreolīna kausejumū.

Putnu koss jōsmērej ar 5 proc. kreozota smēri (mazi). Putnu guļas vīta joizteirej un ar karbolyudini joizlaista.

Koss ir cīši gryuši izdzanams. Top'ac jodezenficej, joteirej ar kūdeigom zōļom vysas ākas, kur ir bejuši kosaini lūpi. Kosa smudži dzeivoj aiz ōdas voi ōdā un jo kosa labi naōrstej, smudži pōrit nu vina lupa uz utru.

Blaugznas (plauki) ceļas nu to ka paļa vērsas kōrteņa ōdas, kura „numyruša“ sazakrōj žēivota spolvā. Jo mojas lupus nateirej, tymōs blaugznōs izamat uts, sōk izkrist spolva. Lūpus vajag teiřat, sukot mozgot ar zaļom zip'om. Zōļas dar šaidas: 1 daļa salicilskob'as un 3 daļas glicerina un 60 daļas spirta.

Partijas un komjaunotņas dzeiv'a

Kas lobok?

(Figurkas sola, Ţažinas raj., Ačinskas apvyda).

Augusta mēnesī Ţa tyka organizēta jaunotņas šyuneņa nu 4 cylvākim. Beja atbraucs nu rajona komiteta sekretars, kurs klōt beja šyuneņas pirmijā sedī.

Vēļok rajona komitets atzyna par

loboku pīvinot myusu, Figurkas šyunenī pi Vasiljevkas.

As dumoju, ka lobok bytu myusim sovā solā dorbu v'ast, nakai staigot uz Vasiljevku.

A. Logins.

Komsomola zīmas svātki

(Nikitinas cims., Ačinskas apvyda).

Šugod pirmu rāizi myusu jaunotņas šyuneņa sareikoja zīmas svātku vokoru, ar nulyuku, lai cīma jaunotni atvylktu nu dzeršonas, lomošonos, pavad'at zīmas svātklus pa jaunam, ar dzīsmom, dōrzenim.

Vokoram beja sagatavota lūdzeņa „Pēdeigajs spredikis“. Beja sa-gojs tik daudzi tautas uz vokoru, ka nabeja vitas deļ vysu.

P'ac izrod'as vacoki gōja uz sātu, bet jaunotņa, vairok kai 50 cylvaku, guļoja leidz sastijai stund'ai. Goja vajā dōrzeni, dzīsm'as dončošona un t. t.

Vōrdū sokut, laiku pav'adajam pa jaunam, tej — beja rikteiga atpyuta...

Daleibniks,

Kai nuteikt lellūpu vacumu

Zyrgam:

vajag v'artis, voi pi jo ir pīna, voi pastōveigi zūbi.

6 ned. vac. kumeļam ir divi pōri prišķas zūbu (lyuškas un 2 vydszūbi) atsarun apaškas un augšas žukļūs, 12 pīna dzaraukli.

5—9 m. Atsarun trešajs pōrs pīna vac. prišķas zūbu (2 styura zūbi) obejūs žukļūs.

10—12 Kotrā eilī atsarun pirmajs mēn. pastōveigajs dzarauklis.

1½—2 Taipat un v'al atsarun ūtrajs pastōveigajs dzarauklis kotrā eilī (pavysam 20 dzaraukļu, 5 pastōveigi).

2½ ž. Pirmajs pōrs pīna zūbu (lyuškas), pirmajs un ūtrajs dzarauklis izkreit un jūs vīta izaug pastōveigi zūbi.

3½ g. Utrajs pōrs pīna zūbu (vydszūbi) un trešajs dzarauklis izkreit. Pizarun v'al sastajs dzarauklis kotrā eilī.

4½ g. Trešajs pōrs pīna zūbu (styura zūbi) izkreit. Lyušku un vydszūbu molas pa drupai nureivōtas (nubarstas aba nutreitas).

5 g. Lyušku molas cīši nubarstas, gryuds (dūb'a zūba vydā) pavysam sakls (nādziļš). Styuru zūbu molas sōk treitis. Atsarun ilkszūbi.

6 g. Gryuda nava vairs pavy-sam (nuleidzynots trynūtis uz apaškejom lyuškom).

7 g. Gryuds nūzuds nu vysim apaškejim vydszūbim.

8 g. Gryuds nūzuds nu apaške-jim styura zūbim.


9 g. Gryuds nūzuds nu apaške-jom lyuškom.

10 g. Gryuds nūzuds nu augšejim vydszūbim.

11 g. Gryuds nūzuds nu augšejim styura zūbim.

Bez tam vajag v'al ivārot ari tu, ka zūbu vērsa beržutis (reivejutis) palik cytaida izskota. Lyušku vērsā nu 6—12 godim ir škarsum plo-ta — caurmārs nu lobōs uz kairu pusi ir lelōks nakai nu prišķas uz pakali. Taida pat zūbu vērsa un caurmārs ir pi vyds zūbim nu 7—13 g. un pi styura zūbim nu 8—14 g.; 12 godā lyušku, 13 godā vydszūbu un 14 godā styura zūbu vērsas porzaverž nu drupu opolas formas (izskota) pavysam par opo-lu. 15 godā vysu prišķas zūbu vērsas ir opolas.

Prišķas zūbi šymā vacumā pazaceļ nu žukļu kaula daudzi slei-panoki (uz vīnu pusi nuzazvylist) un zūbi nasazait vairs vins ar utru cīši kupā. Ar 24 godu zūbu vērsas palik opolas, caurmārs nu lo-bōs uz kairu pusi ir mozōks, nakai nu prišķas uz pakali.



Ryupniceibas Bankas noms — vins nu našaņ uzcaltom lelokam N.-Sibirskas pilsatā nomim. Zeimejumā — v'al nanubeigtā veidā.

1 godū 5 mēnešus, kas par 6 mēnešim un t. t. uz ōržamiom par godu 2½ dol. aba 5 r. Steidziņas ar pazaraksteišonus uz sovas avīzas

GROMOTU PLĀUKTS

„Jauni Ceļi“

Zam taida nusaukuma izīt latvišu jaunotņas žurnāls. „Jauni Ceļi“ apkolpoj koloniju jaunotņas kulturalos un politiskos praseibas. Tys ir, paskaidroj kai izlobot sovu saimesteibu, kai vajag vuciatis, kai saorganizat moceibas pulcepus, un seviški kai jostrodokomjaunišu šyuneņai un pioneru grupai. Kai strōdot „Sorkonijus styureišus“, losam-ustobōs, škola un t. t. „Jaunijus Ceļus“ raksteits i par latgališu jaunotņas stōvukli. „Jauni Ceļi“ ir vineigajs Vyssavineibas Leniņa Komunistyskos jaunotņas Savineibas Centraļno Komiteta Latvišu sekcijas organs. Centraļnijs latvišu jaunotņas komitets, grybadams, koloniju jaunotņai paleidzat, sabidrysku dorbu nustōd'at, lai lobok byutu strōdot, lobok saprost vysus tagadejus aizdavumus, izlaiž žurnalu „Jauni Ceļi“.

Seviški kai strōdot seļsoveta, ku jimā vajaga iv'ajat (izlašat) un ko navar v'ajat (lašat). Kai nuorganizat kooperaciju, krojaizdavu kassu, paleidzeibas komitetu un t. t.

Žurnaļā roksta par vyspasauļa stōvukli un seviški jaunotņas orga-

nizacijom. Daudz roksta ari literaturas gobolu t. i. porsoku, dzismu un t. t.

Žurnalu drukos ar latinu burtim t. i. ar taidim burtim ar kaidim drukok avizi „Taisneiba“.

Žurnaļā var rakstat kotrs par kolonijas dzeivi: kai strōdoj jaunotņas šyuneņa, seļsovets, kooperativs un t. t.

Deļ to kotram latgališam jauneklām, komjaunišam, pioneram, kurs gryb kū nabejs izavuičat, izzynot un tikt pi lobokas dzeiv'as ir joizroksta Žurnals „Jauni Ceļi“. (Saprutams, tim, kuri saprut latvišu voludu).

Par tu lai žurnalu vairok izroksta un ju skaita, daudz ir jostrodokomjaunišim un pionerim. Vajag lašat pazaraksteitojus. Pazarakstat var pa vinam pošam i kolektivi. Kod žurnalu palučejs, tod vajag ju porskaitat un pa svātīņas dinom, ka jaunotņa sazalosa kupā, vajag apsprizt par tim roksta gobolim kuri ir žurnaļā.

Gods moksa 1 r. 50 kap. Pasyuteišonas adress. Москва, Проезд Художественного Театра 2, „Латиздат“.

Sondors.

MYUSU PRIŠKLYKUMI

Par moz stropej samogonščikus,

roksta zemdars nu Taigas rajona. Pymu ņaizi ka nuker, tik 5 rubļi strop'as, ka atrud vinu buteli, vajag strop'at tai pat kai jo atrud daudz, tod sorgosis kotrs.

Vacūs dzelžus un taraudu vajadzatu perkt nu zemnikim, roksta Jons Korkļa.

Kotra satā daudz vysaidu dzelžu, kurūs zemdari navar pošī izliot un nazyna kur likt. Bet ir tok fabrikas, kuras var itos vacos litas pōrkaušat.

POČTA SKREINEIŅA

Ostrovskal losammojai, Krasnojarskas apv. Manskas raj. Kalendars 1927 g. naizit. Par izsyuteitū naudū uz mēnesi dabosit avizi. Bez tam jyus naasit pirakstejuši počta nudaļu, caur kuru avizi sajsimsit, var gad'atis, ka avizi nasajimti.

Kvederam: Drozdovkas cimā. Naudū i korespondencijas sajam'am 23 ekz. Nr. 15 dasyutom.

J. Celrujam. Kļeva. Nr. 10 dasyutom.

Soldim Tomskā. Atsyutit redakcijai nu teiktu adresu tos slimineicas, kur jyus bejot par sanitaru un jo īspejoms ari adresu sojuza (okružnos nudaļas). Tys vajadzeigs

deļ izmeklejšonas pa korespodenc'ai: „Bezsojuznim nav dorba“.

Radzatojam. Figurkas solā, ņažinas rajona, Ačinskas apv. Par samagonu naivotosim, tys beja jau šaņ un pōrok daudz m'as par samagonu rokstom. Ziņojit par seļsovetu darbeibu, školu, mašinu bidribom, kai saimesteibu vad un t. t.

Atbildeigajs redaktors Jōps SILINIKS.

Ответственный редактор Я. СИЛИНИК

Vysim latgališim, dzeivojušim ārpus Sibijas un ārzam'os!

Myusu aviza „Taisneiba“ un jos žurnals „Gaisma“ ir na tikvin Sibijas rokstyski vōrdi, bet vysu, kas dzeivoj i Padum'u Savineiba i ārzam'os.

Sibirī ji izīt tikvin tamdeļ, ka ņa dzeivoj vairokums latgališu zemniku Moz ir to, ka „Taisneiba“ saucos par Vyssavineibas avizi, jos interesus byut avizai deļ vysā pasauli dzeivojušus latgališu, pīmar, Amerika, un cytōs ņam'os. Bet jej paliks par vysā pasauli dzeivojušus latgališu avizi tulaik, ka ji is pi to sledziņa, ka „Taisneiba“ un „Gaisma“ ir joraksta ar jus pošū rukom.

Tamdeļ, „Taisneiba“ un „Gaisma“ aicynoj vysa pasaulā latgališu borba tautu syužat sovas vēstuljas sovim laikrokstim lai ji palyktu ar kuploku saturu, informācijas materjalu.

Un nimoz nav vajadzeigs kotrā zinī rakstat tikvin par latgališim, bet vajag ari rakstat par cytu tautu (naciju) dzeivi cimūs, fabrikōszavodūs, pilsatōs.

Sibijas latgališu dorba ļauds interesejōs ari par vysa pasaulā dorba ļaužu dzeivi.

Rokstit ar sovom rukom sovus laikrokstūs!

Redakcija.

Vysim myusu abonentim!

Ka syutot paroksta naudū, lyudzom rakstat skaidrok sovas palam'as un adresus uz utras pušas kupona, kur ir piraksteits: „для письменного сообщения“.

Del „Taisneibas“ raksteitojim

Rokstit:

- 1) kai pagoja laužu skaiteišona;
- 2) kai it solū, rajonu, pilsātu un t. t. padum'u pōrveleišonas kampanija;
- 3) par latgališu koloniju vēsturi;
- 4) par školu dzeivi un jus darbeibu.

Ar šū nomeri avizas teik izsyuteiti uzsaukumi da Sibijas dorba ļaudim: veirišim un sivišom par padum'u pōrveleišonom. Redakcija lyudz jus izkōrt uz sinom radzamōs vitos. Teik izsyuteits ari bezmaksas žurnals „Gaisma“, kai pilykums pi avizas „Taisneiba“.



Kas to ti snauž,

nasyuta paroksta naudās deļ izraksteišonas sovas latgališu avizas

TAISNEIBA?!!

Warbyut ti, kas ir padum'u waldeibas pretiniki: kulaki, kolčakovci, bejuši strāzniki un slōb'āši? Kai ņaiza ti, kuras „Taisneiba“ apkaroj?!!

VYSI GUDEIGI LATGALIŠI!

Skaitit sovus laikrakstus

„TAISNEIBA“ un „GAISMA“

Gods moksa 1 r. 50 k.

„GAISMA“ ir bezmaksas pilykums pi avizas „TAISNEIBA“

Amerikas Strōdniku (komunistu) Partijas Latfrakciju Agitprop. B'uroja

isdawums

AMERIKAS
ZIHŅA

iznok kotru utordinu.

Aboneišonas moksa Pad. Kreewijā:

Par winu gadu — 3 r. 50 k.

„pusgadu — 2 „ — „

Aboneišonas moksa nusyutama us adresu:

„AMERIKAS ZIHŅA“, 1113 Washington Boulevard, Chicago, Ill, U. S. A. n erica.

Pazaraksteišonus var isdarat ari caur „Taisneibu“ un „Sibijas Zihņā“: В контору газ. „Тайснейба“ и „Сибиряк Циня“, Новосибирск, Сибкрайком ВКП(б).

Latwju araju laikraksts

ATWEESCHU
SEMNEEKŠ

isnahk leelā formatā reisi nedelā un maksā ar peesuhitšanu:

Par 1 mehnesi — 15 kap.

„ 3 „ — 40 „

„ 6 „ — 75 „

„ 12 „ — 140 „

Latwju araj! Parakstees us sawu laikrakstu! Isplati un eeteiz saweem pasiņam „Latweeschu Semneeku“.

Wisi pasuhtļjumi adresejami: Москва, Моховая 26, книжн. маг „Прометей“ газ. „Латвешу Земнекс“.